

სიმონ გულედანი ატენში გაეროს სურსათისა და სოფლის მეურნეობის ორგანიზაციის (FAO) მიერ განხორციელებულ პროექტებს გაეცნო

29 სექტემბერი 2022

შიდა ქართლის სახელმწიფო რწმუნებულის პირველი მოადგილე სიმონ გულედანი ავსტრიის ელჩთან საქართველოში თომას მიულმანთან და ავსტრიელ პარლამენტარებთან ერთად გორის მუნიციპალიტეტის სოფელ ატენში იმყოფებოდა და გაეროს სურსათისა და სოფლის მეურნეობის ორგანიზაცია(FAO)-სა და ავსტრიის განვითარების სააგენტოს(ADA) მიერ მხარდაჭერილ პროექტებსა და ბენეფიციარებს გაეცნო.

სოფელ ატენში განხორციელებული პროექტების შესახებ ამომწურავი ინფორმაცია სტუმრებს FAO-ს პროექტის მენეჯერმა ბეჟა ძაძამიამ გააცნო და შედეგებიც შეაჯამა. პროექტის ფარგლებში სოფელ ატენში ადგილობრივი ბავშვებისთვის საცეკვაო დარბაზი მოეწყო, რომელიც ყველა საჭირო ტექნიკით აღიჭურვა, ასევე სამედიცინო ინვენტარით აღიჭურვა სოფელში მდებარე ამბულატორია, განხორციელდა როგორც ინდივიდუალური, ისე სათემო პროექტები. შეხვედრის ბოლოს სტუმრებმა პროექტის ბენეფიციარის მარანი მოინახულეს და ადგილობრივი წარმოების ღვინოები დააგემოვნეს.

გაეროს სურსათისა და სოფლის მეურნეობის ორგანიზაციამ (FAO) შიდა ქართლის რეგიონში, ატენისა და ფლევის თემებში სოფლის განვითარების მიზნით საპილოტე პროექტები განხორციელა. საგრანტო პროექტების ფარგლებში ადგილობრივებს შესაძლებლობა მიეცათ განევიტარებინათ წარმოება და ასევე, ესარგებლათ სათემო პროექტებით.